



UKA 2017/33
9. novemberi 2017
Bendt B. Kristiansen

Pillugu: Inatsisartunut qinersisarnermi qinersiviit amerlanerulersinneqarnissaat anguniarlugu Inatsisartunut qinersisarnermi inatsisip allangortinnessaa pillugu apeqquteqaat aallaavigalugu Inatsisartut oqallinnissaannik siunnersuut.

(Inatsisartuni Siumut gruppe)

Oqallissaarisooq Inatsisartuni Siumut gruppe-at quttavigaarput.

Qinersinermi inatsit maani oqaluttarfimmi arlaleriarluni eqqartorneqartarpoq, kingullermik 2016-mi upernaakkut ataatsimiinnermi Inatsisartuni ilaasortaq Anthon Frederiksen, Partii Naleraq qinersinermi inatsisip maann atuuttup allangortinnissaanik Naalakkersuisut suliniuteqaqqullugit siunnersuuteqarmat. Maannalu oqallisissiamik qaqitsisut eqqaamajunnarsimaat siorna siunnersuut itigartinnikuungamikku.

Tamat oqartussaaqataanerat assigiinngittorpassuarmik paasisarlutigulu ilusilersorusuttarparput. Inuit Ataqatigiit paasinnittaaseraarput qinersisinnaaneq tamat oqartussaaqataaneranni piginnaatitaaffiit annersarigaat, tassaasooq inatsisartoqarnermi naalakkersuinermilu toqqammaviit ataqqinarnersaat, minnerunngittumillu ikinnerussuteqartut illersorneqarnissaannik qulakkeerinnittoq.

Oqallisissioortut oqallissaarutaanni qinersiviup qanoq aggorneqarnissaanik qinigaqassutsillu qanoq iluseqarnissaanik siunnersuutaat annerusumik oqaaseqarfigissanngilagut, taamaattoq siunnersuummi sanngiiffiusinnaasut uparuaateqarfigissuagut pittaaqutaasinnaasullu oqaaseqarfigalugit.

Nuna qinersivinnut arlalinnut aggorneqaqqissagaluarpat Inuit Ataqatigiit ernummatigaarput qinikkat sumi qinigaaffimminnut sammivallaartumik suleriaaseqalerataannaanerata, naak nuna tamakkerlugu sulisussaaneq Inatsisartuni sulinermi tunngaviugaluartoq. Inuit Ataqatigiit piumaneraarput Inatsisartut nuna tamaat ataatsimut isigalugu sullissinissaat.

Qinersinermi inatsimmik allangortitsiniartoqassappat isumaqarpugut nunap immikkoortui inuttut qinerneqarnermik naammattumik pissarsiuminaatsitsineq peqqutigalugu Inatsisartuni sinniiseqanngittoortartut kisimik isiginiartariaqartut, toqqaannartumik Qaanaaq aamma Ittoqqortoormiit eqqarsaatigalugit, soorluttaaq aamma siorna upernaakkut taamak isummertugut.

Maanna qinersiviup ataasiusutut inissisimanerata tamat oqartussaaqataanerat

INUIT ATAQATIGIIT

Inatsisartuni



siammasittumik qulakkeeqqagaa Inuit Ataqatigiit isumaqarpugut. Qinersisartut kiffaanngissuseqarlutik illoqarfiit kommunillu killeqarfii akimorlugit qinersisinaanerisa illoqarfiit ataasiakkaat inukikkaluit illoqarfinnut ataasiakkaanut inuttunerusunullu sanilliullutik amerlanerusunik Inatsisartuni ilaasortaatitaqarnerat ullumikkut takussaavoq, allaat Niaqornaarsut ataatsimik ilaasortaatitaqarpoq illoqarfiit ilaat ilaasortaatitaqanngittut. Taamatut inissisimanerup takutippaa qinersiviup ataasiusutut inissisimamera tamat oqartussaaqataanerannut annerusumik aporfilersuinngittoq, sanngiiffigalunguli isorliunerusuni illoqarfiit ataasiakkaat, toqqaannaq taallugit Qaanaaq aamma Ittoqortoormiit.

Oqallissaarisut apeqquserpaat nunatsinnut nuuttartut maannakkutut nunatsinnut nuunnermit ukiup affaata qaangiunnerani qinersisinnaasalereertarnerat naapertuunnersoq, allanngortittariaqannginnersorlu ukiut 2-lut ukiut 7-llunniit akornanni najungaqaareersimanermi aattaat qinersisinnaalersillugit. Taamatut allannguisoqassangaluarpat inuit piginnaatitaaffiinik arsaartuinertut Inuit Ataqatigiinnit isigaarput, soorluttaaq aamma inuit pisinnaatitaaffii pillugit FN-ip isumaqatigiissutaani artikel 25-imi tamanna naqissuserneqartoq. Minnerunngittumik eqqarsaatigilaartigu nunatta namminiilivinnissaa inuiaqatigiittut politik-ikkullu anguniangarigatsigu, naalagaaffittullu tamat oqartussaaqataaneranni qulakkeeraniagassat pingaarnersaraat ikinnerussuteqartut piginnaatitaaffiisa qulakkeerneqarnissaat, oqallissaarummilu ukiuliusat marlunniit arfineq marlunnut sivittuiniarneq tamat oqartussaaqataaneranni ikinnerussuteqartut illersorneqarnerannik sakkortuumik innarliinerusussaavoq.

Pissaaneq qinersisartuniittoq sanngiillisaqinatigu. Assersuutigisigu USA-mi qinerseriaatsimi amerlanerussuteqaraluarneq tamatigut ajungaanissamut tunngavissiineq ajormat, soorlu kingullermik Hillary Clinton taajuunneqarnerungaluarluni Donald Trump-imut ajorsarmat taamak pisoqartoq, peqqutaalluinnarluni qinersiviit nunap immikkoortuinut aggugaammata. Inuit Ataqatigiinnit tamat oqartussaaqataanerat taamak tunngavisserusunngilarput.

Taamak oqaaseqarluta oqallilluarnissamut qilanaarpugut.